


Aeth America a'r Contras ati i danselilio'r chwyldro, gan lofruddio athrawon ysgol, llosgi a dinistrio canolfannau iechyd, a llofruddio pobl gyffredin. Cododd gwariant milwrol Nicaragua o 7% o GDP yn 1980 i 40% erbyn 1985, ac roedd llai o arian gan y Sandinista felly i wario ar gynlluniau i wella safon byw eu pobl. Ar yr un pryd roedd America yn gwario cannoedd o filiynau o ddoleri ar drechu'r chwyldro, a chael gwared ar lywodraeth ddemocrataidd mewn gwlad dramor, sofran. Yn 1987 barnodd y Llys Cyfianwder Rhyngwladol yn yr Hague bod gweithred y CIA wrth greu ac arfogi La Contra yn groes i gyfraith ryngwladol, a gorchmynodd America i ddileu'r fyddin a thalu costau o \$17 biliwn i Nicaragua. Anwybyddodd America hyn. O'r barnwyr ar y Llys roedd mwyafrif enfawr yn barnu bod America'n anghywir - un yr un o Algeria, yr Ariannin, Brazil, China, Pwyl, Senegal, Norwy, Nigeria, yr Eidal, yr India, a dau o Ffrainc. Dim ond tri barnwr wnaeth ddweud nad oed UDA yn torri cyfraith ryngwladol - y rhai o Japan, Prydain a'r UDA!



Yn hytrach na thynnu allan o Nicaragua aeth America yn fwy penderfynol, a chyflwynodd flocad economaidd ar y wlad, gan orfodi llongau oedd yn cario peiriannau a nwyddau angenrheidiol i Nicaragua i droi nôl. Cafodd Oxfam America ei hatal rhag anfon hadau i'r wlad, gorfodwyd cwmni IBM i dynnu allan, ac aeth y Contra ati i fomio porthladdoedd a phibelli olew. Erbyn 1986 roedd chwyddiant yn Nicaragua yn 500%. Defnyddiodd y CIA bapur newydd La Prensa fel modd o ledaenu propaganda gwrth-chwyldroadol, a bu'n rhaid i'r Sandinista atal cyhoeddi'r papur. Roedd Reagan yn gweld Nicaragua fel symbol o beth allai ddigwydd mewn gwledydd eraill, ac roedd eisiau dysgu gwers i bobl y wlad fyddai'n ei alluogi i gadw trefn ar yr ardal gyfan. Fel y dywedodd yr Arlywydd, Daniel Ortega... 'Rydyn ni'n ymladd dros Ganolbarth America i gyd. Rydyn ni'n ymladd i gael dweud "Nid eich gardd gefn yw hwn. Ein gwlad ni ydyw"'. Teithiodd Daniel Ortega a'i wraig i Washington i geisio siarad â Reagan ac esbonio iddo nad oedden nhw'n fygythiad i America, ond cawsant eu gwrthod gan Reagan.

Erbyn 1987 roedd llywodraeth y Sandinista yn curo'r Contra, ac arwyddwyd cadoediad rhwng y ddwy ochr. Cynhaliwyd etholiadau yn y wlad yn 1990. Wedi blynyddoedd o frwydro roedd Nicaragua mewn stad economaidd ofnadwy, a daeth y gwrth-bleidiau i gyd at ei gilydd i ffurfio ffrynt gwrth-Sandinista. Collodd y Sandinista yr etholiad yn 1990, ac eto yn 1996 a daeth Violeta Barrios de Chamoro (addysgwyd yn America) yn Arlywydd. Hi oedd perchennog La Prensa, y papur gafodd ei gau gan lywodraeth Sandinista am fod ym mhoced y CIA. Roedd y chwyldro gogoneddus ar ben - wedi cael ei drechu gan ymyrraeth Unol Daleithiau'r America. Roedd America wedi gwario biliynau o ddoleri ar derfysg economaidd, propaganda, a chreu ac arfogi'r Contra - ac wedi gwneud hynny i gyd am eu bod yn ofni llywodraeth oedd yn fodlon helpu eu pobl, ac oedd yn llywodraethu nid er eu lles eu hunain, ond er mwyn gwella safon iechyd, llythrennedd, a rhoi hawliau sifil a phleidlais i'r wlad.

Erbyn heddiw mae diweithdra yn 60% yn Nicaragua, a'r gwelliannau mawr mewn llythrennedd a gofal iechyd wedi diflannu. Pan ofynnwyd i Daniel Ortega, arweinydd llywodraeth y beirdd a'r deallusion pam nad oedd FSLN, plaid y bobl, yn ennill etholiadau, dywedodd mae'n anodd trefnu pobl ddiwaith.

Roedd chwyldro'r Sandinista yn llwyddiant serch hynny, ac yn dangos bod modd gwella bywydau pobl gyffredin a'u rhyddhau o ormes, a byddai wedi llwyddo, ac yn dal i lwyddo heblaw am weithredoedd America. Dywedodd Daniel Ortega pan gollodd etholiadau 1990...

**VENCIMOS,
SOMOS LIBRES**

Rydyn ni'n gadael yn fuddugoliaethus, oherwydd rydyn ni'r Sandinistas wedi aberthu, wedi chwysu, wedi gwaedu, nid i ddal gafael mewn swyddi pwysig o fewn y llywodraeth, ond er mwyn rhoi i Nicaragua rhywbeth na chafodd ers dod yn annibynnol yn 1821..... Rydyn ni'n falch, yn y byd hwn sy'n cael ei rannu'n gyfoethog a thlawd, yn bwerus a gwan, ein bod wedi rhoi i Nicaragua ac America Ladin ychydig bach o urddas, ychydig bach o ddemocratiaeth, ac ychydig bach o gyfiawnder cymdeithasol.

**LA REVOLUCION, SE LLEVA EN EL CORAZON, PARA MORIR POR ELLA, Y NO EN LOS
LABIOS, PARA VIVIR DE ELLA - NO PASARAN!**

ONLY FOOLS AND JOSES



Y os por des dosos, Rodney



Eleni byddwn yn dathlu 40 mlynedd o un o raglenni sit-com (neu yn y Gymraeg sefyllfa gomiwnyddol) mwyaf poblogaidd a llwyddiannus y byd. O'r eiliad - ar Ionawr y cyntaf, 1959 - pan ytrodd Fidel Boy a'i frawd Raul i mewn i Havana mewn fan dair olwyn i ennill y chwyldro yn erbyn Batista, mae cynulleidfaoedd dros y byd i gyd wedi cwmpo mewn cariad â'r grwp bach yma o chwyldroadwyr o Cuba.



Cafwyd y syniad gwreiddiol am y gyfres gan awdur o Lundain o'r enw Karl Marx. Dywedodd "Y peth mae pawb yn hoffi am Fidel Boy yw ei fod yn ddyn bach sy'n ceisio herio'r byd. Er ei fod yn methu gyda rhai o'i syniadau, o leia mae'n palu mlaen ac yn gwrthod rhoi mewn"


Gyda'i sigar enfawr a'i ddywediadau bachog tel "byddwch yn ymwybodol o hyn ymlaen mae ni sy'n rheoli Cuba, ac y byddwn yn brwydro'r grym imperialaidd ac yn herio'r rhai sy'n mynnu ein cadw mewn tlodi, ac yn

Yota guerra y conito, Derek



Pwy all anghofio'r glasur o bennod gafodd ei darlledu yn Hydref 1962, pan mae Fidel Boy yn prynu taflegrau niwclear 'dodgy' wrth Nicky the Red, a'u cadw yn ei lock up ar y Sierra Maestra Erbyn diwedd y bennod mae ewythr Fidel Boy sydd wastad yn son am ryfel - Uncle Sam - yn perswadio Fidel Boy i gael gwared arnynt. Neu'r bennod arall, pan fod Fidel Boy yn twyllo'r dyn busnes cefnog o America - John Kennedy, ac yn rhyddhau pawb o garchardai Cuba a'u hanfon i Miami.

la revolucion, se lleva en al corazon



CASTRO'S

Fel y dywedodd Mr Marx: "mae Fidel Boy yn ddyn drwg sy'n hawdd i'w garu, gyda'i sigar mawr, ei ddillad gwyrdd anffasiynol, a'i areithiau 14 awr, pwy all beidio ei hoffi"

PUSHKIN - YR ACE OF SPADES

Eleni bydd pobl Rwsia a gweddill y byd yn dathlu dau gan mlwyddiant geni Pushkin, prif fardd Rwsia ac athrylith sy'n dal yn ysbrydoliaeth i awduron, beirdd a phobl sy'n ysgrifennu'n greadigol. Mae cynifer o awduron yn ddyledus iddo am ysbrydoliaeth ers iddo farw mewn gornest yn 1837.

Ganed Pushkin ar Fai 26, 1799 ac yn ôl arfer boneddigion Rwsia ar y pryd cafodd ei fagu gan fam maeth o blith y werin - Anna Rodionolva. Oddi wrthi hi y dysgodd Pushkin iaith gyfoethog y werin datws a chasglu trysorfa o chwedlau gwerin, yn ogystal â sut i wneud roll-up teidi.

Roedd yn uchelwr ifanc a disglair ac ymhlith y cyntaf i fynd i'r Lyceé newydd ger Palas Haf y Tsar oedd wedi cael ei greu gyda'r bwriad o hyfforddi uwch-swyddogion y wlad. Ond rebel o ran natur oedd Pushkin, ac o dan ddylanwad yr ysbryd rhyddfrydol oedd yn meddwi uchelwyr Rwsia wedi'r Chwyldro Ffrengig daeth yr awdurdodau i'w amau, yn enwedig ar ôl iddo ysgrifennu cerdd oedd yn beirniadu'r drefn ac yn gwawdio Alexander I. Canlyniad hyn oll oedd iddo gael ei alltudio o'r brif ddinas a'i wneud yn filwr cyffredin ar y ffin deheuol rhwng 1820 ac 1824, ac am ddwy flynedd wedi hynny bu'n byw ymhell o gymdeithas y brif ddinas ar stâd ei fam yn Michailofscow.

Serch hynny, pan ddaeth y Tsar Nicolai I i'r orsedd yn 1825 caniatawyd i Pushkin ddychwelyd i St. Petersburg ar yr amod y byddai'r heddlu'n ei wyllo drwy'r amser. Yn 1831 priododd â Natalia Gortsharofa, merch brydferth oedd yn cael ei hedmygn'n fawr ymhlith cylchoedd ffasiynol. Cawsant bedwar o blant a bu'r teulu'n byw yn Nizhni Nofogrod, ble cyfansoddodd Pushkin ei weithiau gorau, gan gynnwys Efgeni Onegen, Boris Godarn, Y Ceiliog Aur a'r Queen of Spades.

Ond roedd Pushkin yn cael ei boeni'n fawr gan ofidiau ariannol, ac roedd yn genfigennus o'r sylw roddwyd i'w wraig gan aelodau llys y Tsar, gan gynnwys Y Tsar Nicholas ei hun. O ganlyniadi glywed sibrydion dirmygus amdani heriodd Pushkin un o aelodau'r llys i ornest, sef George d'Anthes, emigré brenhinol o Ffrainc. Cafodd ei glwyfo'n ddifrifol yn yr ornest a bu farw ar Ionawr 29, 1837 yn 37 mlwydd oed.






Ei gampwaith heb os nac onibai yw Efgeni Onegen. Ynddi mae'n cyfeirio at un o ryfeddodau peiriannyddol yr oes, sef y bont dros y Fenai oedd newydd ei chwblhau. Proffwydodd mai "brasgamu dros y dyfroedd bydd pontydd haearn".

Dywedodd Fyodor Dostoyevsky amdano... "Pushkin ddaeth ar fore oes ein gwir hunan ymwybyddiaeth, a bu ei ddyfodiad o gymorth mawr i oleuo ein ffordd dywyll â golau newydd".

Dywedodd Lemmy o Motorhead "That's the way I like it baby, I don't want to live forever".

LEMMY

FILTHY PHIL TAYLOR



Mae'n debyg mai Leopold Lojka yw un o'r unigolion sydd wedi dylanwadu fwyaf ar hanes yr Ugeinfed Ganrif, ac eto'i gyd ychydig iawn o bobl sydd erioed wedi clywed amdano. Gyrrwr car oedd Lojka, neu'n fwy penodol roedd yn gyrru car Staf und Stift Phaeton *right hand drive* ar gyflymdra o bymtheg milltir yr awr drwy strydoedd Sarajevo ar Fehefin 28 1914. Yn seddi cefn y car roedd yr Arch Ddug Franz Ferdinand a'i wraig.



Leopold Lojka -->

Yn ystod y bore ar y diwrnod hwnnw roedd Lojka wedi cael gwobr gan yr Arch Ddug am ei ddewrder. Wrth yrru tua neuadd y dref yn Sarajevo taflwyd bom ar fonet y car gan ddyn o'r enw Cabrinovic. Dim ond ychydig o fan anafiadau gafwyd pan rowliodd y bom i ffwrdd a ffrwydro oherwydd bod Lojka wedi ei weld yn cael ei daflu ac wedi rhoi ei droed ar y sbardun.


Serch hynny, yn ystod y prynhawn roedd yr *entourage* brenhinol yn teithio unwaith eto yn y car. Am ryw reswm all neb esbonio hyd heddiw, trodd gyrrwr y car, Leopold Lojka, i'r cyfeiriad anghywir i lawr stryd fechan. Tra'i fod yn straffaglu gyda'r ger ac yn ceisio troi'r car rownd gwelodd dyn o'r enw Gavrilo Princip ei gyfle. Credai ei fod ef a'i gyfeillion wedi colli'r cyfle i lofruddio'r Arch Ddug - a nawr dyma fe, mewn car oedd ar stop, yn ceisio troi rownd, o fewn llathenni iddo. Doedd Princip ddim yn gallu credu pa mor lwcus ydoedd. Tynnodd bistol Browning o'i boced a saethu'r Arch Ddug a'i wraig yn farw.

Dyma'r digwyddiad wnaeth arwain at rhes ddominos o ddigwyddiadau eraill, wnaeth arwain yn y pen draw at ddechrau'r Rhyfel Byd Cyntaf, ac mae'r Rhyfel Byd Cyntaf, a'r cytundeb heddwch ar ei ddiwedd wedi dylanwadu'n drwm ar hanes gweddill ein canrif, ac yn dal i wneud. Tipyn o gyfrifoldeb ar ysgwyddau un dyn wnaeth droi i'r cyfeiriad anghywir.

A beth am Lojka wedyn? Ychydig iawn a wyddom amdano - priododd yn ystod y Rhyfel a chafodd fab yn 1918. Bu'n rhedeg tafarn am gyfnod, cyn marw yn 1926 yn 40 oed.

LEOPOLD LOJKA

Cafwyd datganiad syfrdanol heddiw wrth i un o hoelion wyth y sefydliad Cymraeg, John Davies wneud datganiad cyhoeddus hollol annisgwyl. Dywedodd ei fod, ers trideg mlynedd o leiaf, wedi bod yn mynychu ystafelloedd tywyll ac anghysbell gyda phobl o'r un anian ag ef. Gall Seren tan gwmwl ddatgan bod Dr John Davies wedi cael ei weld yn diflannu drwy ddrysau adeiladau cyhoeddus sy'n fannau cyfarfod adnabyddus i bobl o'r math yma. Dywedodd, drwy ei ddagrau



"Dichon. Rhaid i fi gyfaddef y cwblwl. Ers tri deg mlynedd bellach rwyf wedi bod. rwy'n dal i fod... YN HANESYDD"

Aeth ymlaen i ddweud "Alla i ddim helpu fy hunan. Cyn gynted ag y bydda i'n dod ar draws clawr caled a'i fyseddu, mae'n rhaid i fi ei gael. Boed yn denau neu'n dew, yn fach neu'n fawr mae'r cynnwys yn dal i nghyffroi ac mae'n rhaid i fi balu'n ddyfnach, ac rwy'n llwyr ymgolli fy hun yn y wefr."

Oh... behave!

Dywedodd llefarydd ar ran Cylch, y Gymdeithas Lesbiaid a Hoywon Cymreig... "Mae hwn wedi dod fel sioc i ni. Ro'n ni'n meddwl fod Johnny yn un ohonon ni, ond mae'n amlwg ei fod yn defnyddio'i amser i wneud pethau eraill, aflan. Pan wela i fe geith e lond ceg 'da fi."

Hoyw Jones - camp weithia

Mae'r stori hon wrth gwrs ynghlwm â straeon a homiadau eraill yn ddiweddar y y wasg dorfol fod maffia hoyw yn dod i reoli sefydliadau Cymru. Gwadwyd hyn gan Hoyw Jones, Prif Weithredwr S4C wrth iddo esbonio bod ganddo gyfres newydd o raglenni ar gyfer yr Hydref. Dywedodd:

"Mae ein rhaglenni yn adewyrchu profiadau pobl gyffredin, o Bute Street i Dreganna o Cathays i'r Rhath, ac rwy'n falch o ddweud y bydd y Byd a'r Boudoir, Sion a Sion, a Pobol y Cym yn rhan ganolog o'n cynlluniau. Mae S4C yn cadw'i fys ar botym Cymru!"

